

Urtsuko Errota (Urtsukorta)



IRASTORTZA ETXABE familia

URTSUKORTA Urtsu-Erreka auzoan dago. Bere inguruko baso eta zelaian izenen artean dauz-
kagu *Arrupe, Makaldei, Potto-soro, Txabu, Alamai*.

Ettxera bitarteko bidea 1950ean egin zen. Elizarako bidea ordu betekoa da.

Baserri honen genealogiari begiratzen badiogu, badu hainbat jakingarri garai bateko baserrietako seme-alaben ibilbideez. XIX. mende erdi aldean Irastortza Garmendia familia bizi zen *Urtsukortan*. Zazpi anaia jaio ziren etxe hartan. Haietako bat, zaharrena, etxerako geratu zen, eta beste seiak etxetik joan ziren. Askok Ameriketara egiten bazuten ere, familia honetakoek bidaia laburxeagoa egin zuten, Santander aldera: Rascon-era bi, Garmilias-era beste bat, Colindres-era bat, Guriezo-ra beste bat eta Islares-era beste bat. Hauen ondorengoak, ordea, sarri, jatorriko euskaldunekin ezkondu izan dira.

1904an ezkondu ziren Joxe Ramon Irastortza eta Laureana Antonia Nazabal *Urtane* baserrikoa. Zaldibin ezkondu eta *Ostatun* egin zuten otordua. Sei seme-alaba izan zituzten: Maria, Rosario, Maria Dolores, Joxepa, Martin eta Felipe.

1953an ezkondu zen, hurrengo hazaldian, Martin Irastortza bertako semea Milagros Etxaberekin, hau *Urtsuaundi* baserrikoa. Zaldibin ezkondu, tabernan egin bazkaria eta handik Gasteizen barrena, Zaragozara joan ziren. Ezkondu zirenean baserrian bizi ziren artean, etxeko aita-amak, eta hiru anaia-arreba. Horietako bat lau urtez, eta beste biak gaurdaino.

Beti konponketak egiten aritu izan dira baserrian. Sei-zortzi behi izaten zuten eta esnea saltzen zien letxeroei. Etxean egiten zuten artoa, garia, patata eta babarruna eta saldu, gaztaina eta sagarrak saltzen zituzten Bizkaian. Eta bizimodua ateratzeko baserriko behiez gain tratuan ere aritu izan dira 1900az geroztik, bi lagun. Horretarako, Irurtzun eta Gasteizen erosi eta Bizkaia aldean saltzen zuten.

Baserriaren arrastoa idatzietan

Urtsuko Errota, arestian aipatutako Urtsu Goena, Urtsuegi eta Ursubirekin batera agertzen da 1783-12-17an, Francisco Antonio de Echaveren aurrean, Enerio eta Aralarko sailen erabileraz bitartekari bati emandako botere-emaielen artean. Orduko hartan, lagun bakarra joan zen bilera hartara, agian, artean, ez baitziren izango bi etxebizitza bertan.



IRASTORTZA NAZABAL familia. 1953
Zaldibiko plazan ateratako argazkia.

Maria, Rosario, Joxe Migel, Milagros Etxabe,
Martin, Felipe, Maria Dolores /
Joan, Laureana Antonia Nazabal (ama),
Joxe Ramon Irastortza (aita) eta Joxepa.



IRASTORTZA ETXABE familia
Etxeko atarian.

Martin (aita), Milagros (ama),
Maria Jexux, Ana Mari, Rosa Mari eta Mila.
– argazkian Maria Rosario falta da, gazteena –



IRASTORTZA NAZABAL familia. 1940

Maria eta Maria Dolores
errekan arropa-garbitzen.